

豫章黃先生文集

一

上海圖書館

Shanghai Library

開化圖書館

Kaifu Library

開化圖書館

Kaishua library

開化圖書館

Kaishua library

豫章黃先生文集

四部叢刊集部

上海涵芬樓借嘉興
沈氏威宋軋道刊本
景印原書版匠高營
造尺六寸二分寬四
寸六分

豫章黃先生文集第一



黃庭堅魚骨直

賦十首

寄老庵賦

休亭賦

江西道院賦

蘇李畫枯木道士賦

東坡居士墨戲賦

別友賦

卷一
白山茶賦

對青竹賦

煎茶賦

苦筍賦

楚詞七首

龍眠操

濂溪詩

王聖涂二亭歌

木之彬彬

子欲金玉汝

明月篇

悲秋

賦十首

寄老庵賦

為孫莘老作

生乎今茲兮見曩之人萬物一家兮券宇宙而
無鄰橐椽可以為澤兮鬚鬚蒼然獨奈何俯仰
以是兮吾獨立而不陳新彼族庖之技癢兮伐
大觚以嘗巧風悲郢人之宰木兮願無所用吾

斤澔澔汗汗兮黃川日夜流吾誰踈親兮行天
下以虛舟無地以受人之微纒故超世而不避
世槃礴於蝸牛之宮經行於羊豕之隧輒斃社
以爲樽兮舉海門以爲戴觴豆於無味之味從
衲子以卒歲儻然以寓其不得已是謂無累之
累何用窮山幽谷爲獨安往而非寄寄吾老於
簪紱岌高位之疾顛春秋以旅力去矣奉腆祿
而彫年寄吾老於孫息厭群雛之齧齧眷火宅
之無安寧執枯而俱焦寄吾老於友朋未沫平

生之言人壽不能金石忽相望於鬼伯之阡伊
漢上之龐禪空諸有以爲宅沈貨泉以棄責聊
生涯於緯竹維衡立之懶叟獨金玉其言音踞
燒木以煖寒投鼻涕而無寸陰相彼宛童寓于
栢松自干青雲束縛舍翁主人不承澤螻蟻爲
宮薪者斧焉賓主禍同無意以爲智維此意而
夭夭申申從人以嬉寡婦之茨高明之榱相與
杜而稷之訖無累於去來養主者諱盈術竅者
天門不開此其是耶非乎窮於外者反於家困

乎智者歸愚伊未嘗一用其智對萬世而德不
孤若人者其在斯乎託軒冕而鶉居無德色之
可鉏殆其肆志於江湖翁乎強為我著書無從
駕青牛之車

休亭賦

吾友蕭肅公餉濟父往有聲場屋間數不利於有
司歸教子弟以官學而老於清江之上開田以
為歲鑿池灌園以為邊且兒時藝木今憩其陰
獨立無鄰自行其意築亭高原以望五笥諸山

用其所以齋心服形者名之曰休亭乞余言銘
之將游居寢飯其下豫章黃庭堅爲作休亭賦
槃礴一軌萬物並馳西風木葉無有靜時懷蠹
在心必披其枝事時與黃閭同機世智與太行
同巖飲羽於市門之下血刃於風波之上至於
行盡而不休夫如是奚其不喪故曰衆人休乎
得所欲士休乎成名君子休乎命聖人休乎物
莫之嬰吾友濟父居今而好古不與不取亦莫
子敢侮將強學以見聖人而休乎萬物之祖曩

黃一
四
吉建
游於世也獻璞玉而取別圖封侯而得黥驕色
未鉏而物駭機心先見而鷗鷺撫四方者倦矣
迺歸休於此亭濯纓於峽水之上游晞髮於舞
雩之喬木彼王筍之隱君子惠我以生芻一束
是謂不著而筮從無龜而吉卜

江西道院賦

江西之俗士大夫多秀而文其細民險而健以
終訟為能由是玉石俱焚名曰珥筆之民雖有
辯者不能自解免也惟筠為州獨不囂於訟故

筠州太守號為守江西道院然與南康廬陵宜春三郡並蒙惡聲元祐八年武陵柳戾子儀守筠之明年也樂其俗之媿使為政者不勤乃新燕居之堂榜曰江西道院以鼓舞其國風且為高安之父老雪恥焉秋九月遣使來告成於雙井永思堂於是為之賦其詞曰句吳之區維斗所直半入於楚終蝕於越有泰伯虞仲季子之風故剡士有巖穴之雍容有屈原宋玉枚乘之筆故文章有江山之秀發吳越之君多好勇故

其民樂鬪而輕死江漢之俗多機鬼故其民尊
巫而淫祀雖郡異而縣不同其大略不外是矣
若乃高安之城豫章之別雖風氣之未遂亦媿
俗之可悅故柳侯下車解牛而不割未嘗發矧
初不折缺則喟然嘆曰江西道院名不虛生爰
作新堂合陳鼓笙有斐翰墨賓贊令丞作為詩
歌接民頌聲昔也憂民之憂今則樂民之樂懷
僊伯之蛭蟬有勿翦之喬木製劔池之菡萏以
為裳釀丹井之清泠以為酌醉而起舞父老持

足恐使君之僂去而鰥寡之長失職也吾聞風
行於上而水波此天下之至文仁形於心而民
服此天下之善化豈可多為令而病民慢自設
險而病民詐耶九轉丹砂鑄鐵成金兩漢循吏
鑄頑成仁我簡靜則民肅我平易則民親今使
高安之農養生於折楊之外珥筆教訟者傳問
孝之章勞耳鎖亢者深春耕之耒賣私闢之刀
劔以為牛羞淫祠之樽俎以養親雖承平百年
雨露滲漉非二千石所以牧人者乎雖然有一

於此堂密有美樅而未聞處士之節岑蔚有於
菟而不見墨客之文豈其龜藏而自畀蠖屈而
不伸者耶公試酌樽中之醑謝山川之神為予
問之

蘇李畫枯木道士賦

東坡先生佩玉而心若槁木立朝而意在東山
其商略終古蓋流俗不得而言其於文事補袞
則華蟲黼黻醫國則雷扁和秦虎豹之有美不
彫而常自然至於恢詭譎恠滑稽於秋兔之穎

尤以酒而能神故其觴次滴瀝醉餘顰申取諸
造物之鑪錘盡用文章之斧斤寒煙淡墨權竒
輪困挾風霜而不栗聽萬物之皆春龍眠有隱
君子見之曰商宇宙者朝徹於一指計褚中者
心醉於九九言其不同識也哉鵬背而不帶芥
烹鼠肝而腹果然言其不同量也彼以睢睢眈
眈我以蹠蹠涼涼則懼夫子之獨立而矢來無
鄉乃作女蘿施于木末婆娑成陰與世宴息於
其槃根作黃冠師納息於踵若新沐而晞促阮

咸以赴節按萬籟之同歸昔阮仲容深識清濁
酒沈於陸無一物可欲右琴瑟而左琵琶陶冶
此族不溷不獨是謂竹林之曲彼道人者養蒼
竹之節以玩四時鳴槁梧之風以召衆竅其鼻
間栩栩然蓋必有不可傳之妙若予也寄櫟社
以神其拙願白鷗之樂人深一行作吏此事便
廢懷稻梁以飴老就簪紱而成禽莊生曰去國
期年見似之者而喜矣况予塵土之渴心

東坡居士墨戲賦

東坡居士遊戲於管城子楮先生之間作枯槎
壽木叢篠斷山筆力跌宕於風煙無人之境蓋
道人之所易而畫工之所難如印印泥霜枝風
葉先成於習次者歟顰申奮迅六反震動草書
三昧之苗裔者歟金石之友質已死而心在斲
泥郢人之鼻運斤成風之手者歟夫惟天才逸
群心法無軌筆與心機釋冰為水立之南榮視
其習中無有畦畛八窓玲瓏者也吾聞斯人深
入理窟攬研囊筆枯禪縛律恐此物輩不可復

得公其緹衣十襲拂除蛛塵明窻斐几如見其父
別友賦送李次翁

曩聞義於孫李指尊選以見招惜予行之舒舒
曰其夜以爲朝予望道於境垣見萬物之富有
恨逸駕之絕塵又驂予以四牡喟車後之無策
其四方乎索友仰雲飛而注弋俯淵靚之沈鈎
或一能之勝予忘日月之不予謀或登吞舟之
鱗或下垂天之翼手予弓而不釋恐斯道之或
息維廬江之四李三隱約於龍眠維若人之仕

蚤懷明月而麗川歲庚午而會梁語聞道之大
用吸江漢以爲深累丘嶽以自重尾擊之而首
應西犯之而東抗棄旗鼓而不逐儼其陳之堂
堂偉道學之崇岷增懦天之激昂觀出日於東
方雖食焉而不吝無肯綮以自試居自喜於餘
刃彼覆却之萬方期斯言之猶信水渾渾而進
舟風剡剡而侵淩恐事親之不勸則惟是之同憂

白山茶賦

姨母文城君作白山茶賦興寄高遠蓋以自况

類楚人之楠頌感之依後白山茶賦

孔子曰歲寒然後知松柏之後彫也麗紫妖紅
爭春而取寵然後知白山茶之韻勝也此木產
於臨川之崔嵬是為麻源第三谷仙聖所廬金
堂瓊榭故是花也稟金天之正氣非木果之匹
亞迺得骨於崑閩非乞靈於施夏造物之手執
丹青而無所用析薪之斤雖睥睨而幸見赦高
潔皓白清脩閑暇裴回冰雪之晨偃蹇霜月之
夜彼細腰之子孫與莊生之物化方培戶以思

温故無得而陵跨蓋將與日月爭光何苦與洛
陽爭價惟是當時而見尊顯處於瑤臺玉墀之
上是以閑藏而無悶淡然於乾楓枯柳之下江
北則上徐庾江南則數鮑謝蓋不能刻畫常娥
藩飾姑射諒無地以寄言故莫傳於膾炙况乎
見素抱朴難乎郢人故徐熙趙昌舐筆和鈿而
不敢畫或謂山丹之皓質尺以爭長而更霸知
我如此不幾乎罵雖瓊華明后土之祠白蓮秀
遠公之社皆聲名籍甚俗態不捨挾脂粉之氣

而蘊蘭麝與君周旋其避三舍

對青竹賦

余楚產也閱東南之竹多矣未嘗聞對青竹者
也嘉州僧從之包封見貽藝之而成乃初識之
惟範圍之內有知之物一無窮無知之物一無
窮一耳一目不能遍攬也况六合之外者乎感
而賦之

竹之美於東南以節不以文也其在楚之西鬱
鬱葱葱連山繚雲也會稽之奇材任矢石斬春

之澤夏簟簫笛沅湘淚血邛崃高節慈竹相守
孝竹冬茁慈姥懈谷笙竿笛篁長石之山一節
可航猶未極其瑰恠不常也故吳楚無竹工非
無竹工婦能織緝之器兒能鷄鶩之籠也今夫
管篴簫笄榱檣翰藩巴船百丈下漢爲笄貴之
則律呂汗簡賤之則箕帚蒸薪唯所逢遭盡於
斧斤美哉斯竹黃質墨章如出杼軸織文自當
解甲稅枯金碧其相歲寒在躬又免斲烹彼其
文章之種性不可致詰刻心而求之不可得屬

根而求之不可得匪人匪天有物有則惟其與
蓬蒿共盡而無憾余亦不知白駒之過隙

煎茶賦

洶洶乎如澗松之發清吹皓皓乎如春空之行白
雲賓主欲眠而同味水茗相投而不渾苦口利病
解膠滌昏未嘗一日不放箸而策茗梳之勲者
也余嘗爲嗣直瀾茗因錄其滌煩破睡之功爲之甲
乙建溪如割雙井如虛日鑄如絕勞其餘苦則卒
螯甘則底滯嘔酸寒胃令人失眠亦未足與議或

曰無甚高論敢問其次涪翁曰味江之羅山巖道
之蒙頂黔陽之都濡高株瀘川之納溪梅嶺夷陵
之壓甄臨邛之火井不得已而去於三則六者亦
可以酌免褐之甌滄魚眼之目新者也或者又曰寒
中瘠氣莫甚於茶或濟之鹽勾賊破家滑竅走水
又况雞蘇之與胡麻涪翁於是酌歧雷之醪醴參
伊聖之湯液蘄附子如博投以熟葛僊之至去藪
而用鹽去橘而用薑不奪其味而佐以草石之良所
以固太倉而堅作強於是胡挑松實菴摩鴨脚勃

賀藤蕪水蘇甘菊既加臭味亦厚賓客前四後四
各用其一少則美多則惡發揮其精神又益於咀嚼
蓋大匠無可棄之材太平非一士之略厥初貪味雋
水速化湯餅乃至中夜不眠耿耿既作溫齊殊可屢
軟如以六經濟三尺法雖有除治與人安樂賓至則
煎去則就榻不游軒后之華胥則化莊周之胡蝶
棘道苦笋冠冕兩川甘脆愜當小苦而反成味
溫潤縝密多啖而不疾人蓋苦而有味如忠諫

苦笋賦

之可活國多而不害如舉士而皆得賢是其鍾
江山之秀氣故能深雨露而避風煙食者以之
開道酒客爲之流涎彼桂斑之夢永又安得與
之同年蜀人曰苦筍不可食食之動痼疾令人
萎而瘠子亦未嘗與之言蓋上士不談而喻中
士進則若信退若眩焉下士信耳而不信目其
頑不可鑄李太白曰但得醉中趣勿爲醒者傳

楚詞七首

龍眠操三章贈李元中

吾其行乎道渺渺兮鑿弱石若若兮川橫日月
兮在上風吹雨兮晝冥吾其止乎曲者如几直
者如矢我為直兮棘余趾我為曲兮不如其已
吾耕石田兮為芝乃三歲兮報我饑嗣茲穡兮
則以稼從子于耜兮龍眠之下

螳臂美兮當車螾螿強兮鬪虎我觀兮上下四
方或錫子兮以大武金石兮水波松柏兮雨霜
有時女兮不春我欲筮兮同牀筮告子以不好
子與居兮甚媿秦人同炙兮徒欺子子和羹兮

衆吐之南山霧兮楚氛其在茲兮斗日月揚湯
兮揀喝從子休兮龍眠之樾

朝百牢兮九飯藜羹不糝兮共槃而笑狐白裘
兮豹祛緼袍無裏兮亦見春于何喜兮安樂此
日有嘉人兮遺子履發十襲兮示予與子武兮
合度四羿兮隅立使離朱兮詔之若人兮無鵠
離朱茫然兮羿報弓牧牛兮于鼻牧羊兮不歧
有若人兮可與歸因子問塗兮龍眠之蹊

濂溪詩

春陵周茂叔人品甚高骨中灑落如光風霽月
好讀書雅意林壑初不爲人宥君末世故權輿仕
籍不卑小官職思其憂論法常欲與民決訟得
情而不喜其爲少吏在江湖郡縣蓋十五年所
至輒可傳任司理參軍運使以權利變具獄茂
叔爭之不能得投告身欲去使者斂手聽之趙
公悅道號稱好賢人有惡茂叔者趙公以使者
臨之甚威茂叔處之超然其後迺寤曰周茂叔
天下士也薦之於朝論之於士大夫終其身其

爲使者進退官吏得罪者自以不冤中歲乞身
老於湓城有水發源於蓮花峯下潔清紺寒下
合於湓江茂叔濯纓而樂之築屋於其上用其
平生所安樂媿水而成名曰濂溪與之游者曰
溪名未足以對茂叔之美雖然茂叔短於取名
而惠於求志薄於徼福而厚於得民菲於奉身
而燕及莞整陋於希世而尚友千古聞茂叔之
餘風猶足以律貪則此溪之水配茂叔以永久
所得多矣茂叔諱惇實避厚陵奉朝請名改惇

頤二子壽壽皆好學承家求余作濂溪詩思詠
潛德茂叔雖仕官三十年而平生之志終在立
壑故余詩詞不及世故猶焉歸其音塵

溪毛秀兮水清可飯羹兮濯纓不漁民利兮又
何有於名絃琴兮觴酒寫溪聲兮延五老以爲
壽蟬蛻塵埃兮玉雪自清聽潺湲兮鑿澄明激
貪兮敦薄非青蘋白鷗兮誰與同樂

津有舟兮蕩有蓮勝日兮與客就間人聞擘音
兮不知何處散髮醉高荷爲蓋兮倚芙蓉以當

伎霜清水寒兮舟著平沙八方同宇兮雲月爲
家懷連城兮珮明月魚鳥親人兮野老同社而
爭席白雲蒙頭兮與南山爲伍非夫人攘臂兮
誰余敢侮

王聖涂二亭歌

忠州太守王聖涂罷忠州春秋六十有六將告
老于朝而休于營立以書抵黔州告其同年生
黃魯直曰營立有叟將自此歸矣舍旁作二亭
以休餘日子爲我名且歸以夸父老魯直名其

一曰休休上言事下言德也其一曰冥鴻言公
自此去矰繳遠矣聖涂喜曰子盍為我歌

營丘之下有宅有田梨棗兮觴豆耘耔兮為年
鷄栖埒兮羊豕在牧課兒子兮藝松菊矣背兮
牆東夢覆舟兮濤且風洋之回兮可以駕孫甥
作扶輿兮父老同社洋之水兮可以舟入鷗鳥兮
與之游一世兮蜉蟻桑榆兮愁可收從此休兮
公誰黃髮之休偉長松兮臥龍蛇閱千歲兮不
改其柯震雷不驚兮誰欲休之以蝸蛭下有錦

石兮可用栝勺雲月供帳兮萬籟奏樂石子磊
磊兮澗谷從橫春月桃李兮士女傾城時雨霖
兮忽若海潦收無事兮我以觀萬物之情兒時
所藝兮桃李纖纖隨世風波兮吹而北南昔去
兮拱把今歸兮與天叅與古人兮合契樹如此
兮我何以堪鴻鴈磬兮或在洲渚有心於粒兮
弋者所取飛冥冥兮渺萬里而絕去藪澤之羅
者兮官子落羽官一作觀

木之彬彬

曹公所禮三人孔融禰衡陽狂嫚侮操且疑且
信故以衡假手於黃祖融晚乃覆巢獨揚脩材
慧數解隱語又探其不言者發之最先得罪雖
其父公雅故不足以貫死嗟乎脩黃犢子有致
遠材一怒其臂死於隆車之轍曾不知隰子之
伐木耶田常與大夫隰子登臺四望齊邑南向
而蔽於隰子之喬木成子不言隰子歸使人伐
木斧斤離數剗則止之相室曰變之亟也曰田
子將成大事惡人知其微今不伐木未深忌也

知人之所不言其忌深矣故曰知微者兵在其
頸求福者褚藏其穎雖然隰子猶有所未立也
與百里奚策虞公而去之豈可同年語哉感二
三子行事作木之彬彬

木之彬彬非取異於人可宮室則斬則伐可邊
豆則捋則擷草之茸茸非求顯於世中芻牧則
刈則鉏中醫醫和則剝則枯非以其材故耶是非
之歧利害薰蒸嗟人道之多患彼草木尚無情
吾嘗觀於若人矣巧於辨人拙於自辨好動乎

天機不周乎時變罪莫慘於德有心禍莫深於
心有見罪不在德心其蠢賊禍不在心見其駘
籍之人也皦皦曰鮮行於衆汚之前曉曉不讓
立乎衆埋之上積小不當是以亡其大當悲夫
羿注矢以當物千當中其七八引鑊錮以自殘
駭兕虎之竊發禍集於所忽怨棲於榮名易其
言則害智用其智則害明為君子則柰何獨見
曉於冥冥

子欲金玉汝贈黃從善

江山複重兮朋友失長虬幽篁兮隔離天日鳥
聲無人兮我友來即久矣不聞德人之言兮為
余發藥嘉若人兮甚好脩蘭熏而時發兮水剛
德而用柔有璞連城方謨匠兮忍其與斗筭議
之螿吾手而不破兮舉百體而弃之為民父母
兮灼子之膚何能忍願曰日臨辰兮臣何愛不
與俱來古之人償責言兮雖九死其猶未悔虹
氣貫斗牛兮豈用俗人之町畦子愛蘭而莫與
子佩兮曰斯其不情帝關九牡兮照下土孔明

予將觀東海兮蛙說子以坎井盍嘗視吾寶兮
茲有重於岑鼎子欲金玉汝兮汝既金玉揭日
月以適四方兮殆而按劍以爲戮鴈以不鳴烹木
以才而斲天下皆羿兮矢來無鄉維應以無名
之樸

明月篇贈張文潛

天地具美兮生此明月陞白虹兮貫朝日工師
告余曰斯不可以爲珮棄捐櫝中兮三歲不會
霜露下兮百草休抱此耿耿兮與日星遊山中

人兮招招耕而食兮無卹榛艾萋萋前吾牛兮
痕不可更扶淺耕兮病歲深耕兮石嬰耜登山
兮臨川雉得意兮魚樂小風兮吹波從其友兮
尾尾日下兮川逝射雉兮喪余一矢佳人兮潔
齊悵何所兮行媒南山有葛兮葛有本我羞饋
兮以君之組來

悲秋

為知命弟作

有美一人兮臨清秋而太息傷天形之缺然兮
與有足者同堂而並席儻嘗獲罪於天兮使而

至於斯極夫陰凝而陽化兮冲氣飪而爲和駢
拇所以爲少枝指所以爲多謂天任汝以道兮
曾是形畸而貌獨天厭弃汝兮脩汝德而謂何
中無所考此眇眇兮獨遡風而浩歌歌曰父耶
母耶人乎天乎才之爲祥固不若不才之全乎
非天地之私兮又非父母之願也慨伏思而不
得兮夢漂漂而行遠逆真人於軒臺兮請端策
而徵衍遇水盈之坎坎兮得山麓而爲蹇雖御
良而馬服兮猶往蹇而來連艮之初六來告休

兮良其趾而無咎如風日之過河兮人謂守水
而為耗知水性之循環兮曾何損益之足道茲
百足之狂攘兮夔蹠踣以行地虺虺蔓延不自
好兮謂風蓬蓬而無似物怜物之無窮兮目尚
為心之僕隸夫精於形器之表兮視四體百骸
其在外予將執汝手兮游乎浩蕩之會馮天津
而濯髮兮攬日月以為珮嗟不知去來之為我
兮天下莫予之為對恐路遠而多歧兮聊贈汝
以指南將雍容於勝日兮嘗試為汝而妄談

豫章黃先生文集第一

開化圖書館
Kaihua Library

豫章黃先生文集第二

黃庭堅魯直

古詩五十首

贈別李次翁

次韻荅晁無咎見贈

次韻荅張文潛惠寄

同錢志仲飯籍田錢孺文官舍

次韻子瞻贈王定國

次韻張詢齋中春晚

送范德孺知慶州

題王黃州墨跡後

題王仲弓兄弟巽亭

送劉士彥赴福建轉運判官

次韻劉景文登鄴王臺見思五首

柳閣展如蘇子瞻甥也其才德甚美

有意於學故以桃李不言下自成

蹊八字作詩贈之

次韻李之純少監惠研

次韻曾子開舍人遊籍田載荷花歸

次韻子瞻題郭熙畫秋山

詠李伯時摹韓幹三馬次蘇子由韻

簡伯時兼寄李德素

次韻子瞻和子由觀韓幹馬因論伯

時畫天馬

次韻荅王太上御名中

奉同子瞻韻寄定國

謝黃從善司業寄惠山泉

次韻錢穆父贈松扇

戲和文潛謝穆父松扇

次韻王炳之惠玉板紙

奉荅謝公靜與榮子邕論狄元規孫

少述詩長韻

戲荅俞清老道人寒夜三首

奉和文潛贈無咎篇末多見及以既

見君子云胡不喜爲韻

子瞻詩句妙一世乃云效庭堅體蓋

退之戲效孟郊樊宗師之比以文
滑稽耳恐後生不解故次韻道之

留王郎

送王郎

古風二首上蘇子瞻

贈別李次翁 四言

利欲薰心隨人翕張國好駿馬盡為王良不有
德人俗無津梁德人天游秋月寒江映徹萬物
玲瓏六憲於愛欲泥如蓮生塘處水超然出泥

而香孔竅穿穴明冰其相維乃根華其本含光
大雅次翁用心不忘日問月學旅人念鄉能如
斯蓮汜可小康在俗行李密密堂堂觀物慈哀
泣民慶莊成功萬年付之面牆草衣石質與世
低昂

次韻蒼晁無咎見贈補之

翕翕一日災耽耽萬年永四海仰首觀頃復歸
根靜時雨瀉玉除潢流漲天井性不耐衣冠人
門踈造請煮餅臥北窻保此已徼幸空餘見賢

心忍渴望梅嶺

次韻答張文潛惠寄

末

短褐不磷緇文章近楚辭未識想風采別去今
人思斯文已戰勝凱歌偃旂旂君行魚上冰忽
復燕喃兒學省得佳士催來費符移方觀追金
玉如許遽言歸南山有君子握蘭懷令姿但應
潔齋俟勿詠無生詩

同錢志仲飯籍田錢孺文官舍

景祥

帝籍開千畝農功先九州王孫守耒耜吏隱極

風流永夏豐草木五雲衛郊丘牛羊臥籬落賓
客解衣裘汲井羞熱啜挽溪供甘柔倒靛收蓮
的剖蚌煮鴻頭野日草光合水風荷氣浮稻畦
下白鷺林樾應鳴鳩主人發清賞況復佳同游
歸扇障小雨真成一賜休

次韻子瞻贈王定國 鞏

遠志作小草蠹衣生陵屯但為居移氣其實何
足言名下難為人醜好隨手翻百年炊未熟一
垤蟻追奔夏日蓬山永戎葵茂牆藩王子吐佳

句如蠶絲出盆風姿極灑落雲氣畫壘樽屬有
補袞章自當寵頻頻鄙夫無它能上車問寒溫
唯思窮山去抱犢長兒孫

次韻張詢齋中春晚

學古編簡殘懷人江湖永非無車馬客心遠境
亦靜挽蔬夜雨畦煮茗寒泉井春去不窺園黃
鸝頗三請立朝無物望補外儻天幸想乘滄浪
船濯髮晞翠嶺

送范德孺知慶州純粹

乃翁知國如知兵塞垣草木識威名敵人開戶
玩虬女掩耳不及驚雷霆平生端有活國計百
不一試薶九京阿兄兩持慶州節十年麒麟地
上行潭潭大度如臥虎邊人耕桑長兒女折衝
千里雖有餘論道經邦政要渠妙年出補父兄
處公自才力應時須春風旂旂擁萬夫幕下諸
將思草枯智名勇功不入眼可用折箠笞羗胡

題王黃州墨跡後

掘地與斷木智不如機春聖人懷餘巧故為萬

物宗世有斲泥手或不待郢工往時王黃州謀
國極匪躬朝聞不及夕百壬避其鋒九鼎鼎安盤
石一身轉秋蓬浮雲當日月白髮照秋空諸君
發蒙耳汲直與臣同

題王仲弓兄弟巽亭 寔

大隗七聖迷許田連城重里中多佳樹與世作
楹棟市門行清渠溪水可抱甕翬飛城東南隱
几撫羣動人境要俱爾我乃得大用烏衣之雲
孫昆弟不好弄木末風雨來卷箔醉賓從事常

超然觀樂與賢者共人登斷龍末我自歸鴻送
溪毛亂錦禎候蟲響機綜世紛甚崢嶸曾次欲
空洞讀書開萬卷謀國妙百中儻無斲鼻工聊
付曲肱夢

送劉士彥赴福建轉運判官

秋葉雨墮來冥鴻天資高車馬氣成霧九衢行
滔滔中有寂寞人靈府扁鑰牢西風持漢節騎
從嚴弓刀維閩七聚落惇獨困吏饕養士敝禾黍
惡水煩鱗介勞南驅將仁氣百城共一陶察人

極涇渭問俗及豚羔官閑得勝日杖屨之林臯
人間閱忠厚物外訪英豪

次韻劉景文登鄴王臺見思五首

季孫

黃濁歸大壑連漪遶重城西風一橫笛金氣與
高明歸鴉度晚景落鴈帶邊聲平生知音處別
離空復情

舊時劉子政憔悴鄴王城把筆已頭白見書猶
眼明平原秋樹色沙麓莫鍾聲歸鴈南飛盡無
因寄此情

繫匏兩相憶極目十餘城積潦干斗極山河皆
夜明白壁按劍起朱弦流水聲垂逢四時爾木
石了無情

茗花浮曾坑酒泛酌宜城路尋西九曲人似漢
三明千戶非無相五言空有聲何時郭池晚照
影寫閑情

公詩如美色未嫁已傾城嫁作蕩子婦寒機泣
到明綠琴蛛網遍弦絕不成聲想見鷓夷子江
湖萬里情

柳閱展如蘇子瞻甥也其才德甚
美有意於學故以桃李不言下自
成蹊八字作詩贈之

柳君文甚武睥睨萬人豪老氣鼓不作卷旗解
弓刀上爲朝陽桐下爲澗溪毛囊中有美實期
子種蟠桃

浮陽愧嘉魚道傍多苦李古來賢達人不爭咸
陽市吾子富春秋日月東趨水潛聖有玉音聞
道而已矣

霜威能折綿風力欲冰酒勤君來訪道枵然我
何有寢興與時俱由我屈申肘飯羹自知味如
此是道不

任世萬鈞重載言以爲軒空文誤來世聖達欲
無言咸池浴日月深宅養靈根曾中浩然氣一
家同化元

陸沉百世師寄食魯柳下我今見諸孫風味窺
大雅大雅久不作圖王勿成霸偉哉居移氣蘭
鮑在所化

聖學魯東家恭惟同出自乘流去本遠遂有作
書肆日中駕肩來薄晚常掉臂徒囂終無贏歸
矣求已事

清潤玉泉冰高明秋景晴妙年勤翰墨銀鈎爛
縱橫藍田生美璞呀琢價連城思為萬乘器柱
下貴晚成

八方去求道渺渺困多蹊歸來坐虛室夕陽在
吾西君今秣高馬夙駕先鳴鷄慎勿取我語親
行乃不迷

次韻李之純少監惠研周

黃公山下黃鷄秋持節卹刑曾少休
小人有負弩得開道掃葉張飲林巖幽
相傳有石非地產列仙持來自羅浮
酒酣步出雲雨上南撫方城西嵩丘
林端乃見石空洞猛獸躡巖踞上頭
鳥道免迂謀挽致萬牛不動六丁愁
道家蓬萊見仙伯我亦洗湔與清流
探囊贈研頗宜墨近出黃山非遠求
乃知此山自才美物欲致用當窮搜
迷邦故令成器晚不琢元非匠石羞

次韻曾子開舍人游籍田載荷花

歸鞶

維王調玉燭時夏雨我田壁挂蒼龍骨溜渠故
濺濺三推勸根本百穀收阜堅官司極齋明崇
丘見升煙繫馬西門柳憶聽去夏蟬剥芡珠走
盤鉤魚柳貫鮮掃堂延枕簟公子氣翩翩自爾
欲繼往阻心如壅泉紫微樂暇日披襟詠風漣
紅粧倚荷蓋水鏡寫明燭美物亦有實翦房助
加邊珠宮紫貝闕足此水府仙鬱鬱冠蓋宅追

蘇易形年能從物外賞，真是區中賢。仍聞載後
乘籠燭，照嬋娟。

次韻子瞻題郭熙畫秋山

黃州逐客未賜環，江南江北飽看山。玉堂臥對
郭熙畫，發興已在青林間。郭熙官畫但荒遠，短
紙曲折開秋晚。江村煙外雨脚明，歸鴈行邊餘
疊巘。坐思黃甘洞庭霜，恨身不如鴈隨陽。熙今
頭白有眼力，尚能弄筆映窓光。畫取江南好風
日，慰此將老鏡中髮。但熙肯畫寬作程，五日十

日一水石

詠李伯時摹韓幹三馬次蘇子由

韻簡伯時兼寄李德素

公麟

太史瑣窻雲雨垂試開三馬拂蛛絲李侯寫影

韓幹墨自有筆如沙畫錐絕塵超日精爽緊若

失其一望路馳馬官不語臂指揮乃知仗下非

新羈吾嘗覽觀在垆馬驚駘成列無權竒緬懷

胡沙英妙質一雄可將十萬雌決非廝養所成

就天驥生駒人得之千金市骨今何有士或不

價五穀皮李侯畫隱百寮底初不自期人誤知
戲弄丹青聊卒歲身如閱世老禪師

次韻子瞻和子由觀韓幹馬因論
伯時畫天馬

于闐花驄龍八尺看雲不受絡頭絲西河驄作
蒲萄錦雙瞳夾鏡耳卓錐長楸落日試天步知
有四極無由馳電行山立氣深穩可耐珠韉白
玉羈李侯一顧歎絕足領略古法生新奇一日
真龍入圖畫在垆群雄望風雌曹霸弟子沙苑

承喜作肥馬人笑之李侯論幹獨不爾妙畫骨
相遺毛皮翰林評書乃如此賤肥貴瘦渠未知
況我平生賞神俊僧中云是道林師

次韻荅王今上中寅

有身猶縛律無夢到行雲俗裏光塵合習中涇
渭分我塞江南秀一見空馬羣夸士慕鍾鼎寒
儒守典墳吾欲超萬古乃如負山蚊能來商略
此跌坐對鑪芬

奉同子瞻韻寄定國

風雲開古鏡淮海熨冰紈王孫醉短舞羅襪步
微瀾老驥心雖在白鷗盟已寒斯人氣金玉視
世一鼠肝南歸脫虫蠹入對隨孔鸞忽以口語
去鼓船下驚湍收身薄冰釋置枕泰山安后土
花藥麗海門天水寬伐木思我友知人良獨難
遙怜須鬢綠猶復耐悲歡

謝黃從善司業寄惠山泉降

錫谷寒泉掬石俱并得新詩蠹尾書急呼烹鼎
供茗事晴江急雨看跳珠是功與世滌羶腴今

我屢空常晏如安得左轡清潁尾風鑪煮茗臥

西湖

次韻錢穆父贈松扇

摠

銀鈎玉唾明蠶紙松箑輕涼并送似可憐遠度
幘溝淒適堪今時襴襪子丈人玉立氣高寒三
韓持節見神山應得安期不死草使我蟬蛻塵
埃間

戲和文潛謝穆父松扇

猩毛束筆魚網紙松拊織扇清相似動搖懷袖

風雨來想見僧前落松子張侯哦詩松韻寒六月火雲蒸肉山持贈小君聊一笑不須射雉誇黃間

次韻王炳之惠玉板紙伯虎

王侯須若緣坡竹哦詩清風起空谷古田小牋
惠我百信知溪翁能解玉鳴碁千杵動秋山裹
糧萬里來輦轂儒林丈人有蘇公相如子雲再
生蜀往時翰墨頗橫流此公歸來有邊幅小楷
多傳樂毅論高詞欲奏雲門曲不持歸掃蘇公

門乃令小人今拜辱去騷甚遠文氣卑畫虎不成書勢俗董狐南史一筆無誤掌殺青司記錄雖然此中有公議或辱五鼎榮半菽願公進德使見書不敢求君米千斛

奉荅謝公靜與榮子邕論狄元規

孫少述詩長韻

惜輯

謝公遂如此宰木已三霜無人知句法秋月自澄江二子學邁俗窺杜見牖憲試斲郢人鼻未免傷手割蟹胥與竹萌乃不美羊腔自往見謝

公論詩得濠梁世方尊兩耳未敢築受降丹
鳳凰羽風林虎豹章小謝有家法聞此不聽冰
相思北風惡歸鴈落斜行

戲荅俞清老道人寒夜三首

索索葉自兩月寒遙夜闌馬嘶車鐸鳴群動不
遑安有人夢超俗去髮脫儒冠平明視清鏡政
爾良獨難

聞道一稊米出身縛簪纓懷我伐木友寒衾夢
丁丁富貴但如此百年半曲肱早晚相隨去松

根有茯苓

牧羊金華山早通玉帝籍至今風低草臙臙見
白石金華風煙下亦有君履跡何為紅塵裏領
鬚欲雪白

奉和文潛贈無咎篇末多見及以
既見君子云胡不喜為韻

龜以靈故焦雉以文故翳本心如日月利欲食
之既後生玩華藻照影終沒世安得八絃置以
道獵衆智

談經用燕說東棄諸儒傳濫觴雖有罪末派瀾
九縣張侯真理窟堅壁勿與戰難以口舌爭水
清石自見

野性友麋鹿君非我同群文明近日月我亦不
如君十載長相望逝川水汙汙何言談絕倒茗
椀對鑪薰

北寺鎖齋房陳鑰時一啓晁張寔然來連璧照
書几庭栢鬱葱葱紅榴罇笈子時蒙吐佳句幽
處萬籟起

先皇元豐末極厭士淺聞只今舉秀孝天未喪
斯文晁張班馬手崔蔡不足云當今橫筆陣一
戰靜楚氛

張侯窘炊玉傲屋得空壚但見索酒郎不見酒
家胡雖肥如瓠壺胷中殊不麁何用知如此文
采似於菟

荆公六藝學妙處端不朽諸生用其短頗復鑿
戶牖譬如學捧心初不悟已醜玉石恐俱焚公
為區別不

吾友陳師道抱獨門掃軌晁張作薦書射雉用
一矢吾聞舉逸民故得天下喜兩公陳堂堂此
士可摩壘

子瞻詩句妙一世乃云效庭堅體
蓋退之戲效孟郊樊宗師之比以
文滑稽耳恐後生不解故次韻道之

我詩如曹鄴淺陋不成邦公如大國楚吞五湖
三江赤壁風月笛玉堂雲霧憲句法提一律堅
城受我降枯松倒澗壑波濤所舂撞萬牛挽不

前公乃獨力扛諸人方嗤點渠非是張雙但懷
相識察牀下拜老龐小兒未可知客或許敦龐
誠堪壻阿巽買紅纏酒缸

留王郎 純亮世弼

河外吹沙塵江南水無津骨肉常萬里寄聲何
由頻我隨簡書來顧影將一身留我左右手奉
承白頭親小邦王事略蟲鳥聲無人王甥解鞍
馬夜語鷄喚晨母慈家人肥女慧男垂紳有田
為酒事豚韭及秋春生涯得如此舊學更光新

索去何草草少留慰艱勤百年才一炊六籍經
幾秦要知胷中有不與跡同陳郢人懷妙質聊
欲運吾斤

送王郎

酌君以蒲城桑落之酒泛君以湘纍秋菊之英
贈君以黔川點漆之墨送君以陽關墮淚之聲
酒澆胷中之磊隗菊制短世之頽齡墨以傳千
古文章之印歌以寫從來兄弟之情江山萬里
頭將白骨肉十年眼終青作終連袂夜語鷄戒曉書

囊無底談未了有功翰墨乃如此何恨遠別音
書少炊沙作糜終不飽鏤冰文字費工巧要須
心地收汗馬孔孟行世日杲杲有弟有弟力持
家婦能養姑供珍鮭兒大詩禮女絲一作桑麻公但
讀書者一作遮春茶一作眼花

古風二首上蘇子瞻

江梅有佳實託根桃李場桃李終不言朝露借
恩光孤芳忌皎潔冰雪空自香古來和鼎實此
物升廟廊歲月坐成晚煙雨青已黃得升桃李

盤以遠初見嘗終然不可口擲置官道傍但使
本根在棄捐果何傷

青松出澗壑十里聞風聲上有百尺絲下有千
歲苓自性得久要爲人制頽齡小草有遠志相
依在平生醫和並不並世深根且固蒂人言可醫
國何用太早計小大才則殊氣味固相似

豫章黃先生文集卷二

豫章黃先生文集第三

黃庭堅曾直

古詩五十首

巖上食蓮有感

贈鄭郊

寄裴仲謨

送鄭彦能宣德知福昌縣

顯聖寺庭枸杞

平陰張澄居士隱處三詩

雙井茶送子瞻

和荅子瞻

子瞻以子夏立明見戲聊復戲荅

省中烹茶懷子瞻用前韻

以雙井茶送孔常父

常父荅詩有煎點徑須煩綠珠之句

復次韻戲荅

戲呈孔毅父

以團茶泚州綠石研贈無咎文潛

晁張和荅秦觀五言子亦次韻

常父惠示丁卯雪十四韻謹同韻賦之

次韻荅曹子方雜言

次韻子瞻武昌西山詩

和荅子瞻和子由常父憶館中故事詩

謝公定和二范秋懷五首邀予同作

謝送碾賜壑源揀牙

以小團龍及半挺贈無咎并詩用前

韻為戲

次韻子由績溪病起被召寄王定國
祕書省冬夜宿直寄懷李德素

次韻荅邢惇夫

次韻張仲謀過酺池寺齋

送謝公定作竟陵主簿

贈送張叔和

次韻秦觀過陳無已書院觀鄙句之作

次韻子瞻送顧子敦河北都運二首

餞子敦席上奉同孔經父八韻

次韻寄晁以道

次以道韻寄范子夷子默

僧景宗相訪寄法王航禪師

送李德素歸舒城

謝王仲至惠洮州礪石黃玉印材

題松下淵明

次韻子瞻詠好頭赤圖

詠伯時虎脊天馬圖

詠伯時象龍圖

題竹石牧牛

觀伯時畫馬

記夢

贛上食蓮有感

蓮實大如指分甘念母慈共房頭齷齷更深兄
弟思實中有么荷拳如小兒手令我憶衆雛迎
門索梨棗蓮心政自苦食苦何能甘甘食恐腊
毒素食則懷慙蓮生淤泥中不與泥同調食蓮
誰不甘知味良獨少吾家雙井塘十里秋風香

安得同裘子歸製芙蓉裳

贈鄭郊

高居大士是龍象草堂丈人非熊羆不逢壞衲
乞香飯唯見白頭垂釣絲鴛鴦烈日愛水鏡菡
萏晚風凋舞衣開徑老禪來煮茗還尋密竹逕
中歸

寄裴仲謨綸

交游二十年義等親骨肉風雨漂我巢公亦未
有屋寄聲來問安足音到空谷我家輦轂下薪

桂炊白玉在官與影居衣綻髮曲局天機行日
月春事勤草木念公篤行李野飯中道宿驚沙
卷於旗烏尾訛城角騷騷家治具夫子且歸沐
作書寄後乘為我遣司臣僕起居太夫人并問相
與睦

送鄭彥能宣德知福昌縣僅

往時河北盜橫行白晝驅人取一作城郭唯聞不犯
鄭冠氏犬臥不驚民氣樂祇今化兵作鋤耰田
舍老翁百不憂銅章去作福昌縣山中讀書民

有秋福昌愛民如父母當官不擾萬事舉用才
之地要得人眼中虛席十四五不知諸公用心
許魯恭卓茂可人否

顯聖寺庭枸杞

仙苗壽日月佛界承露雨誰爲萬年計乞此一
坏土扶踈上翠蓋磊落綴丹乳去家尚不食出
家何用許政恐落人間采剥四時苦養成九節
杖持獻西王母

平陰張澄居士隱處三詩

仁亭

無心經世網有道藏丘山養生息天黥藝木印
歲寒德人牆九仞強學窺一斑張侯大雅質結
綏闢儒關跼羸或諧偶老大嘗躋難築亭上雲
雨日月轉朱欄牀敷聽萬籟我家頗寬閑牧牛
有坦塗亡羊自多端市聲塵午枕常以此心觀

復庵

春糧出求仁行李彌宇宙久客渺愁人馬飢僕
夫瘦歸來一丘中萬事不改舊禾黍鋤其驕牛

羊鞭在後隱几天籟寒六鑿忽通透

身泉

水德通萬物發源會時身伏坎非心願成川且
意行棲遲林丘下欲濯無塵纓杖藜逢載酒一
瓢酌餘清

雙井茶送子瞻

人間風月不到處天上玉堂森寶書想見東坡
舊居士揮毫百斛寫明珠我家江南摘雲腴落
磴霏霏雪不如為公喚起黃州夢獨載扁舟向

五湖

和荅子瞻

一月空回長者車
報人問疾遣兒書
翰林貽我東南句
窻間默坐得玄珠
故園溪友膾腹遠
包春茗問何如玉
堂下直長廊靜為
君滿意說江湖

子瞻以子夏立明見戲聊復戲荅
化工見彈太早計
端為失明能著書
邇來似天會事發
淚睫見光猶墮珠
喜公新賜紫琳腴
上

清虛皇對久如請天還我讀書眼願載軒轅訖
鼎湖

省中烹茶懷子瞻用前韻

閣門井不落第_二竟陵谷簾定誤書思公煮茗
共湯鼎蚯蚓竅生魚眼珠置身九州之上腴爭
名燄中沃焚如但恐次山芻豢隗終梗平声酒舫石

魚湖

元次山石魚湖歌曰石魚湖似洞庭夏水欲滿
君山青疾風三日作大浪不能廢人運酒舫

以雙井茶送孔常父武仲

校經同省並門居無日不聞公讀書故持茗椀

澆舌本要聽六經如貫珠心知韻勝舌知腴何
似寶雲與上具如湯餅作魔應午寢慰公渴夢吞
江湖

常父荅詩有煎點徑須煩綠珠之
句復次韻戲荅

小鬟雖醜頗粧梳掃地如鏡能檢書欲買娉婷
供煮茗我無一斛明月珠知公家亦闕掃除但
有文君對相如政當爲公乞如願作書遠寄宮

亭湖

戲呈孔毅父 平仲

管城子無食肉相孔方兄有絕交書文章功用
不濟世何異絲窠綴露珠校書著作頻詔除猶
能上車問何如忽憶僧房同野飯夢隨秋鴈到
東湖

以團茶兆州綠石研贈無咎文潛
晁子智囊可以括四海張子筆端可以回萬牛
自我得二士意氣傾九州道山延閣委竹帛清
都太微望冕旒具宮胎寒弄明月天網下罩一

日收此地要須無不有紫皇訪問富春秋晁無
咎贈君越侯所貢蒼玉璧可烹以玉塵試春色澆
君曾中過秦論斟酌古今來活國張文潛贈君
洮州綠石含風漪能淬筆鋒利如錐請書元祐
開皇極第入思齊訪落詩

晁張和荅秦觀五言子亦次韻

山林與心違日月使鬢換儒衣相詬病文字奉
娛玩自古非一秦六籍蓋多難詩書或發冢孰
念令人惋秦君銳本學驥子已血汗相期驟天

衢伯樂嘗一眇士為欲心縛寸勇輒尺懦要當
觀此心日照雲霧散扶踈萬物影宇宙同璀璨
置規豈惟君亦自警弛慢

常父惠示丁卯雪十四韻謹同韻

賦之

春皇賦上瑞來寧蕃屋憂下令走百神大雲庇
九丘風聲將仁氣艷艷生瓦溝寒花舞零亂表
裏照皇州千門委圭璧繞日不肯收元年冬無
澤穴處長蝨蝨兩宮初旰食補衮獻良箴壽有道

四夷守無征萬邦休耆年秉國論涇渭極分流
輟耒入班品逸民盡歸周股肱共一體間不容
戈矛人材如金玉同美異剛柔政須衆賢和乃
可踈共改改弦張弊法病十九已瘳主指要不
匿蝕非日月羞桑林請六事河水問九疇天意
果然得立功與吾謀此物有嘉德占年在麥秋
近臣知天喜玉色動冕旒儒館無它事作詩配
崇丘

次韻荅曹子方雜言輔

圃池寺湯餅一齋孟曲肱懶著書騎馬天津看
逝水滿船風月憶江湖往時盡醉冷卿酒侍兒
琵琶春風手竹間一夜鳥聲春明朝醉起雪塞
門當年聞說冷卿客黃須鄴下曹將軍挽弓石
八不好武讀書臥看三峯雲誰憐相逢十載後
釜裏生魚甑生塵冷卿白首太官寺樽前不復
如花人曹將軍江湖之上可相忘春鉏對立駕
鴛雙無機與游不亂行何時解纓濯滄浪喚取
張侯來平章烹茶煮餅坐僧房

次韻子瞻武昌西山詩

漫郎江南酒隱處古木參天應手栽石坳爲尊
酌花鳥自許作鼎調鹽梅平生四海蘇太史酒
澆不下曾崔嵬黃州副使坐閑散諫疏無路通
銀臺鸚鵡洲前弄明月江妃起舞襪生埃次山
醉魂招髣髴步入寒溪金碧堆洗湔塵痕飲嘉
客笑倚武昌江作壘誰知文章照今古野老爭
席漁爭隈鄧公勒銘留刻畫刻剔銀鉤洗綠苔
琢磨十年煙雨晦摸索一讀心眼開謫去長沙

憂鵬入歸來杞國痛天摧玉堂却對鄧公直北
門喚仗聽風雷山川悠遠莫浪許富貴崢嶸今
鼎來萬壑松聲如在耳意不及此文生哀

和荅子瞻和子由常父憶館中故

事詩

二蘇上連壁三孔立分鼎少小看飛騰中年嗟
遠屏風撼脊令枝波寒鴻鴈影天不極斯文俱
來集臺有日月黃道明桃李清書永時平少狂
狽地禁絕龜鼈頗懷修故事文會陳果茗當時

羣玉府人物殊秀整下直馬闐闐杯盤具俄頃
共醉凌波襪誰窺投轄井天網極恢疎道山非
簿領何曾歸閉門燈火坐閑冷欲觀太平象復
古望公等賤子記後車當煩煮湯餅

謝公定和二范秋懷五首邀予同

作棕

西風一葉脫迹已不可掃巷有白馬生朝回焚
諫草誰云事君難是亦父子間所要功補袞不
言能犯顏

四會有黃今學古著勲多白頭對紅葉柰此搖
落何雖懷斲鼻巧有斧且無柯安得七十絃奏
此寒士歌

采蓮涉江湖采菊度林藪插鬢不成妍誰憐飛
蓬首平生耦耕地風雨深根莠謝公遂如此永
袖絕絃手

往日孫陽霍才可任遺補季強如摧枯食藥不
知苦屬者缺諫垣詩論或未許儻可假一邦使
民作鄒魯

用智常恨老，用決常恨早。推轂天下士，誠心要
傾倒。海宇日清明，廟堂勤灑掃。何為陳師道，白
髮三徑草。

謝送碾賜壑源揀牙

商雲從龍小蒼壁，元豐至今人未識。壑源包貢
第一春，緗匭碾香供玉食。睿殿東金井，攔甘
露薦椀。天開顏橋山事嚴，疋百局衮司諸公省。
中宿中人傳賜夜未央，雨露恩光照宮燭。右丞
似是李元禮，好事風流有涇渭。肯憐天祿校書

郎親敕家庭遣分似春風飽識太官羊不慣腐
儒湯餅腸搜攪十年燈火讀令我曾中書傳香
已戒應門老馬走客來問字莫載酒

以小團龍及半挺贈無咎并詩用
前韻為戲

我持玄圭與蒼璧以暗投人渠不識城南窮巷
有佳人不索賓郎常晏食赤銅茗椀雨斑斑銀
粟翻光解破顏上有龍文下碁局檐囊贈君諾
已宿此物已是元豐春先皇聖功調玉燭晁子

曾中開典禮平生自期莘與渭故用澆君磊隗
匈目莫令鬚毛雪相似曲几團蒲聽煮湯煎成車
聲繞羊腸鷄蘇胡麻留渴羗不應亂我官焙香
肥如瓠壺鼻雷吼幸君飲此勿飲酒

次韻子由績溪病起被召寄王定國

種萱盈九畹蘇子憂國病炎蒸臥百戰山立有
餘勁斯人廊廟器不合從遠屏江湖搖歸心白
髮侵老境艱難喜歸來如晴月生嶺仍懷阻行
舟風水蛟鱷橫補袞諫官能用儒吾道盛上書

抵平津蠹藁初記省至今民社計非事頰舌競
方來立本朝獻納繼晨暝人材包新舊王度濟
寬猛必開曲突謀滿慰傾耳聽斯文呂與張泉
下亦蘇醒天聰四門闢國勢九鼎定身得遭太
平分甘守閑冷天津十年面想見頎而整何時
及國門休暇過煮茗燒燈留夜語鴻鴈看對影
但恐張羅地頗復多造請唯此禮部公寒泉甃
舊井謫去久羸瓶召還汲脩綆大任泮齋宮陞
下天統慶日月進亨衢經緯寒耿耿西走已和

戎南遷無哀郢誰言兩逐日朝轡天街並王子
竄炎洲萬死保軀命還家頰故紅信亦抱淵靜
稅屋待車音掃門親帚柄行當懷書傳載酒求
是正端如嘗橄欖苦過味方永

祕書省冬夜宿直寄懷李德素

曲肱驚夢寒皎皎入牖下出門問何祥岑寂省
中夜姮娥携青女一笑粲萬瓦懷我金玉人幽
獨秉大雅古來絕朱絃蓋為知音者同牀有不
察而況子在野獨立占少微長懷何由寫

次韻荅邢惇夫居實

爲山不能山過在一簣止渥洼騏驎兒墮地志
千里岷山初濫觴入楚乃無底將升聖人堂道
固有廉陞邢子好少年如世有源水方求無津
涯不作蛙井喜兒中兀老蒼趣造甚奇偉作異過閱
王公門袖中有漫刺別來阻河山望遠每障袂
斯文向千載有志常寡遂後生文楚楚照影若
孔翠不應太玄草晞價咸陽市雨作枕簟秋官
閑省中睡夢不到漢東茗椀乃爲崇聞君肺渴

黃三
減頗復佳食寐讀書得新功來鴈寄一字

次韻張仲謀過醴池寺齋詢

十年醉錦幄醑醑照金沙歌眠春風底不去留
君家是時應門兒紫蘭茁其牙只今將弟妹嬉
戲挽羊車忽書滿窓紙整整復斜斜平生悲歡
事頭緒如亂麻苟祿無補報幾成來食嗟喜君
崇名節青雲自有涯我夢江湖去釣船刺蘆花
江濱開園宅畦蔗蒔架榭夢驚如昨日炊玉困
京華公來或藜藿愛我不疵瑕深念煩鄰里忍

窮禁貸賒夜談簾幕冷霜月動金蛇即是桃李
月春蟲語交加我亦無酒飲一室可盤蝸要公
共文字朱墨勘舛差非復少年日聲名取孀嫠
諸阮有二妙能詩定自嘉何時來煮餅蟹眼試
官茶

送謝公定作竟陵王簿

謝公文章如虎豹至今斑斑在兒孫竟陵主簿
極多聞萬事不理專討論澗松無心古須臾天
球不琢中粹溫落筆塵沙百馬奔劇談風霆九

河翻曾中恢踈無怨恩當官持廉且不煩吏民
欺公亦可忍慎勿驚魚使水渾漢濱耆舊今誰
存駟馬高蓋徒紛紛安知四海習鑿齒拄笏看
度南山雲

贈送張叔和墳

張侯溫如鄒子律能令陰谷黍生春有齊先君
之季女十年擇對無可人箕帚掃公堂上塵家
風孝友故相親廟中時薦南澗蘋兒女衣袴得
補紉兩家俱為白頭計察公與人意甚真吏能

東縛老姦手要使鯨寡無顰呻但回此光還照
已平生倦學皆日新我提養生之四印君家所
有更贈君百戰百勝不如一忍萬言萬當不如
一默無可簡擇眼界平不藏秋毫心地直我肱
三折得此醫自覺兩踵生光輝團蒲日靜鳥吟
時鑪薰一炷試觀之

次韻秦觀過陳無已書院觀鄙句
之作師道

陳侯大雅姿四壁不治第碌碌盆盎中見此古

壘洗薄飯不能羹
美牆陰老春薺
唯有文字工萬
古抱根柢我學
少師承坎井可
窺底何因蒙賞
味相享當牲醴
試問求志君文
章自有體玄鑰
鎖靈臺渠當爲
公啓

次韻子瞻送顧子敦河北都運二

首臨

儒者給事中顧公甚魁偉經明往行河商略頗
應史勞民又費之國計安能已成功渠有命得
人斯可喜似聞阻飢餘惡少驚邑里啓鑰探珠

金奪懷取姝美部中十盜發一二書奏紙西連
魏三河東盡齊四履此豈小事哉何但行沿水
使民皆農桑乃見眞儒耳

今代顧虎頭骨相自雄偉不令長天官亦合丞
御史能貧我四壁無愠可三已昨來立清班國
士相顧喜何因將使節風日按千里汲黯不居
中似非朝廷美太任錄萬事御坐留諫紙發政
恐傷民天步薄冰履蒼生憂其魚南畝多被水
公行圖安集信目勿信耳

黃三
十一
餞子敦席上奉同孔經父八韻
日永知槐夏雲黃喜麥秋同朝國士集賜沐吏
功休祇園冠蓋地清與耳目謀晴雲泛茗椀飛
電落文楸一客衆主人醉此顧虎頭虎頭持龍
節排河使東流厥田惟上上桑麻十數劑計功
不汗馬可致萬戶侯

次韻寄晁以道 說之

河漢牛與女咫尺不得語歡然共秋盤以茲不
忘故我友在天末問天許見否雲雨隔九關日

月不我與念君坐臞禪守心如縛虎頗思携方法
喜舉案饁南畝不聞犯齋收猶聞畫眉詡良爲
鼻祖來渠伊爲伴侶我有挂溪刀聊憑東風去

次以道韻寄范子夷子默

正平
正思

鼓缶多秦聲琵琶作胡語是中非神奇根器如
此故范公秉文德斷國極可否至今筦樞機大
度而少與蟬媽世有人風壑嘯兩虎小心學忠
孝鄙事能壠畝持論不遠蔭奉身謝誇詡頗知
城南園文會英俊侶何當休沐歸懷茗就煎去

僧景宗相訪寄法王航禪師

抱牘稍退鳧鷺行倦禪時作臺佗坐忽憶頭陀
雲外人閉門作夏與僧過一絲不掛魚脫淵萬
古同歸蟻旋磨山中雨熟瓜芋田喚取小僧休
乞錢

送李德素歸舒城

僧夏莫問塗麥秋宜煮餅北寺旬休歸長廊六
月冷簟翻寒江浪茶破蒼壁影李侯為我來遽
以歸期請青衿廢詩書白髮違定省荒畦當鉏

灌蠹簡要箴整挽衣不可留決去事幽屏天恢
獵德網日饒養賢鼎此士落江湖孰思令人瘦
胃中吉祥宅膜外榮辱境婆娑萬物表藏刃避
肯綮人生要當學安燕不徹警古來惟深地相
待汲脩綆

謝王仲至惠洮州礪石黃玉印材

欽目

洮礪發劔虹貫日印章不琢色蒸栗磨礪頑頓
印此心佳人持贈意堅密佳人鬢凋文字工藏

書萬卷曾次日臨天閉黍真龍新詩得意挾
雷風我分負無句當二物看公倒海取明月

題松下淵明

南渡誠草草長沙想艱難松風自度曲我琴不
須彈遠公香火社遺民文字禪雖非老翁事幽
尚亦可觀客來欲闕說觴至不得言

次韻子瞻詠好頭赤圖

李侯畫骨亦畫肉筆下馬生如破竹秦駒雖入
天馬圖猶恐真龍在空谷精神權竒汗溝赤白

有赤烏能逐日安得身為漢都護三十六城看
歷歷

詠伯時虎脊天馬圖

筆端那有此千里在曾中四蹄雷電去一顧馬
群空誰能乘此物超俗駕長風逸材歸轡勒歲
在執徐同

詠伯時象龍圖

上黨良家子挽強如屈肘三十讀春秋豈為莎
車首誰言馮光祿不如甘延壽雖無千戶封乃

得六龍友

題竹石牧牛

野次小崢嶸幽篁相依綠阿童三尺箠御此老
叡觫石吾甚愛之勿遣牛礪角牛礪角尚可牛
鬪殘我竹

觀伯時畫馬

儀鸞供帳饗蟲行翰林濕薪爆竹聲風簾官燭
淚縱橫木穿石槃未渠透坐窓不傲令人瘦貧
馬百散逢一豆眼明見此五花驄徑思著鞭隨

詩翁城西野桃尋小紅

記夢

衆眞絕妙雅靈君曉然夢之非紛紅窻中遠山
是眉黛席上榴花皆舞裙惜問琵琶得聞否靈
君色莊妓搯手兩客爭棋爛斧柯一兒壞局君
不呵杏梁歸燕空語多柰此雲窻霧閣何

豫章黃先生文集第三

卷三

三

三

開化圖書館

kaikwa library

豫章黃先生文集第四

黃庭堅魯直

古詩五十首

和荅外舅孫莘老

次韻子瞻送李象

次韻子瞻和王子立風雨敗書屋有感

次韻子瞻寄眉山王宣義

聽宋宗儒摘阮歌

次韻文潛同游王舍人園

次韻定國聞子由臥病績溪

博士王揚休碾密雲龍同事十三人

飲之戲作

荅黃冕仲索煎雙井并簡揚休

再荅冕仲

戲荅陳元輿

再荅元輿

次韻冕仲考進士試卷

演雅

戲荅趙伯充勸莫學書及為席子澤解嘲
戲書秦少游壁

次韻孫子實寄少游

次韻荅秦少章乞酒

贈秦少儀

次韻子實題少章寄寂齋

送少章從翰林蘇公餘杭

便糴王丞送碧香酒用子瞻韻戲贈

鄭彥能

詠史呈徐仲車

宿舊彭澤懷陶令

臥陶軒

次韻吳宣義三徑懷友

送劉季展從軍鴈門二首

題宛陵張待舉曲肱亭

送張天覺得登字

戲和荅禽語

和邢惇夫秋懷十首

次韻子瞻題無咎所得文與可竹二

首粥字戲嘲無咎人字詠竹

次韻文潛休沐不出三首

和游景叔月報三捷

謝景叔惠冬筍雍酥水梨三物

再荅景叔

出城送客過故人東平侯趙景珍墓

寄尉氏倉官王仲弓

和荅外舅孫莘老

西風挽不來殘暑推不去出門厭鞞帽稅駕喜
巾履道山鄰日月清樾深牖戶同舍多望郎閑
官無窘步少監嚴整安宿昔廊廟具行趨補袞
職黼黻我王度歸休飲熱客觴豆愆調護浩然
養靈根勿藥有神助寄聲舊僚屬訓告及匕箸
尚憐費諫紙玉唾灑新句北焙碾玄璧谷簾煮
甘露何時臨書几剝芡談至莫

次韻子瞻送李象

驥子墮地追風日未試千里誰能識習之實錄

葬皇祖斯文如女有正色今年持橐佐春官遂
失此人難塞責雖然一闕有竒耦博懸於投不
在德君看巨浸朝百川此豈有意潢潦前願爲
霧豹懷文隱莫愛風蟬蛻骨仙

次韻子瞻和王子立風雨敗書屋

有感適

婦翁不可搨王郎非嬌客十年爲從學苦淡共
堙厄燕雀嗤鴻漸犬羊睨麟獲遇逢涇渭分瞭
夢春冰釋平生五車書才吐二三策已作謗薰

天金朱果何益君窮一窻下風雨更削跡詩工
知學進詞苦見意迫俗情傲秦贅婦舍不煖席
南冶從東家不聞被嘲劇師儒並世難日月過
箭疾公今未有田把筆耕六籍

次韻子瞻寄眉山王宣義

叅軍但有四立壁初無臨江千木奴白頭不是
折胷具桐帽棕鞵稱老夫滄江鷗鷺野心性陰
壑虎豹雄牙須鸛鷄作裘初服在猩血染帶鄰
翁無昨來杜鵑勸歸去更得把酒聽提壺當今

人材不乏使天上二老須人扶兒無飽飯尚勤
書婦無複禪且著襦社甕可漉溪可漁更問黃
雞肥與癯林間醉著人伐木猶夢官下聞追呼
萬釘園甬莫愛渠富貴安能潤黃壚

聽宋宗儒摘阮歌

翰林尚書宋公子文采風流今尚爾自疑耆域
是前身囊中探丸起人坼死自如千歲枯松枝落
魄酒中無定止得錢百萬送酒家一笑不問今
餘幾手揮琵琶送飛鴻促絃聒醉驚客起寒蟲

催織月籠秋獨鴈叫群天拍水楚國羈臣放十
年漢宮佳人嫁千里深閨洞房語恩怨紫燕黃
鸝韻桃李楚狂行歌驚市人漁父挈舟在葭葦
問君枯木著朱繩何能道人意中事君言此物
傳數姓玄璧庚庚有橫理閉門三月傳國工身
今親見阮仲容我有江南一丘壑安得與君醉
其中曲肱聽君寫松風

次韻文潛同遊王舍人園

移竹淇園下買花洛水陽風煙二十年花竹可

迷藏九衢流車馬相值各匆忙豈有道邊宅靜
居如寶坊幅巾延客酒妙歌小紅裳主人有班
綴衣拂御爐香常恐鷓鴣鳴百草為不芳故作
龜曳尾頗深漆園方初開蝸牛廬中置師子牀
買田宛丘間江漢起濫觴今此百畝宮冬溫夏
清涼身閑閱世故守靜發天光安肯聲利場牽
黃臂老蒼張侯筆瑞世三秀麗齊房作詩盛推
賞明珠計斛量掃花坐晚吹妙語益難忘重游
樊素病捧心不能粧來日猶可追聽我歌楚狂

次韻定國聞蘇子由臥病績溪

炎洲冬無冰十月雷虺虺及春瘡癘行用人祭
非鬼巫師司民命藥石不入市溪壑潛發機土
風甚不美蘇子臥江南感嘆中夜起聞道病在
牀食魚不知旨寒暑戰胷中士窮有如此此公
天機深爵祿心已死養生遺形骸觀妙得骨髓
后皇蒞嘉橘中歲多成枳佳人何時來為天啓
玉齒湔袂瘴霧姿朝趨去天咫諸公轉鴻鈞國
器方薦砥矢詩寫子心莊語不加綺

博士王揚休輾密雲龍同事十三
人飲之戲作

亂雲蒼壁小盤龍
貢包新樣出元豐
王郎坦腹飯牀東
太官分物來婦翁
棘園深鎖武成宮
談天進士雕虛空
鳴鳩欲雨喚雌雄
南嶺北嶺宮徵同
午窓欲眠視濛濛
喜君開包輾春風
注湯官焙香出籠
非君灌頂甘露椀
幾爲談天乾舌本
蒼黃冕仲索煎雙井
井簡揚休裳
江夏無雙乃吾宗
同舍頗似王安豐
豈能澆茗椀

澗袂我風袂欲挹浮丘翁吾宗落筆賞幽事秋
月下照澄江空家山鷹爪是小草敢與好賜雲
龍同不嫌水厄幸來辱寒泉湯鼎聽松風夜堂
朱墨小燈籠惜無纖纖來捧椀唯倚新詩可傳本

再答冕仲

丘壑詩書雖數窮田園芋栗頗時豐小桃源口
雨繁紅春溪蒲稗沒鳧翁投身世網夢歸去摘
山鼓聲雷那空秋堂一笑共燈火與公草木臭
味同安用茗澆磊隗曾它日過飯隨家風買魚

貫柳雞著籠更當力貧開酒椀走謁鄰翁稱子本
戲荅陳元輿軒

平生所聞陳汀州蝗不入境年屢豐東門拜書
始識面鬢髮幸未成老翁官饗同盤厭羶膩茶
甌破睡秋堂空自言不復蛾眉夢枯淡頗與小
人同但憂迎笑花枝紅一作新夜窓冷雨打斜風秋衣
沉水換薰籠銀屏宛轉復宛轉意根難拔如薤本
再荅元輿

君不能入身帝城結子公又不能擊強有如諸

葛豐法當憔悴百寮底五十天涯一秃翁問君
何自今為郎便殿奏賦聲摩空偶然樽酒相勞
苦牛鐸調與黃鍾同安得朱轡各憑熊江南樓
閣白蘋風勸歸啼鳥曉窻籠男兒邂逅功補袞
鳥倦歸巢葉歸本

次韻冕仲考進士試卷

少來迷翰墨無異蟲蠹木諸生程藝文承詔當
品目牀敷設箱篚賦納忽數束變名溷甲乙騰
寫失句讀書窻愛白駒夜几跋紅燭鈎深思嘉

魚攻璞願良玉談天用一律佔畢厭重複絲布
澁難縫快意忽破竹聖言裨曲學割裘綴邪幅
注金無全功竊發或中鵠翟公辟雍老薪槲茂
棫樸御史威降霜行私不容粟吏部提來鑿片
善蒙采錄博士刈其楚銓量頗三復因人享成
事賤子真碌碌

演雅

桑蠶作繭自纏裹蛛蝥結網工遮邏燕無居舍
經始忙蝶爲風光勾引破老鶻銜石宿水飲穉

蜂趨衙供密課鵲傳吉語安得閑雞催晨興不
敢卧氣陵千里蠅附驥枉過一生蟻旋磨虱聞
湯沸尚血食雀喜宮成自相賀晴天振羽樂蟬
游空穴祝兒成螺贏蝓轉丸賤蘇合飛蛾赴
燭甘死禍井邊蠹李螬苦肥枝頭飲露蟬常餓
天螻伏隙錄人語射工含沙須影過訓狐啄屋
真行怪蠨蛸報喜太多可鷓鴣密伺魚蝦便白
鷺不禁塵土泥絡緯何嘗省機織布穀未應勤
種播五技鼯鼠笑鳩拙百足馬蚊螭憐鼈跛老蚌

胎中珠是賊醯鷄瓮裏天幾大螳螂富轍恃長
臂熠燿宵行矜照火提壺猶能勸沽酒黃口只
知貪飯顆伯勞饒舌世不問鸚鵡纔言便關鎖
春蛙夏蚓更嘈雜土蚓壁蟬何碎瑣江南野水
碧於天中有狎鷗閑似我

戲荅趙伯充勸莫學書及為席子

澤解嘲

叔益 延賞

平生飲酒不盡味五鼎餽肉如嚼蠟我醉欲眠
便遣客三年窺牆亦面壁空餘小來翰墨場松

煙免穎傍明窓偶隨兒戲洒墨汁衆人許在崔
杜行晚學長沙小三昧幻出萬物真成狂龍蛇
起陸雷破柱自喜竒觀繞繩牀家人罵笑寧有
道汚染黃素敗粉牆誠不如南鄰席明府蛛網
鎖硯蝸書梁懷中探九起九死才術頗似漢太
倉感君詩句喚夢覺邯鄲初未熟黃梁身如朝
露無牢強玩此白駒過隙光從此永明書白卷
自公退食一爐香

戲書秦少游壁觀

丁令威化作遼東白鶴歸朱顏未改故人非微
服過宋風退飛宋父擁篲待來歸誰饋伯勞鸚
鵒妃秦氏庭烏八九子雅烏之兄畢逋尾憶炊
門牡烹伏雌未肯增巢令汝樓莫愁野雉踈家
雞但願主人印累累

次韻孫子實寄少游

端

薛宣欲吏雲季氏或招閔此公骨中秋萬物被
收擗賣藥偶知名草玄非近準才難不易得志
大略細謹士生要弘毅天地為蓋軫驥來鹽車

驂井下短綆引難甘呼爾食聊寄察然鞭誰能
借前籌還婦用束蘊吾聞調羹鼎異味及粉槿
豈其供王羞而棄會稽筭

次韻荅秦少章乞酒 觀

朝事鞍馬早吏曹文墨拘初無尺寸補但於友
朋踈豈知簞瓢子卧起一牀書炙背道堯舜雪
屋相與娛步出城東門野鳥吟廢墟頗知富貴
事勢窮心亦舒詩來獻窮狀水餅嚼冰蔬斗酒
得醉否枵腹如瓠壺亦可召西舍侯羸非博徒

贈秦少儀覲

汝南許文休馬磨自衣食但聞郡功曹滿世名
籍籍渠命有顯晦非人作通塞秦氏多英俊少
游眉最白頗聞鴻鴈行筆皆萬人敵吾蚤知有
覲而不知有覲少儀袖詩來剖蚌珠的歷乃能
持一鏃與我箭鋒直自吾得此詩三日臥向壁
挽士不能寸推去輒數尺才難不其然有亦未

易識

次韻子實題少章寄寂齋

虛名誤壯夫今古可笑閔屍裏裏萬里歸書載五
車攬安知衡門下身與天地準秦是兩美士內
行頗修謹余欲造之深抽琴去其軫寄寂喧開
間此道有汲引獄戶聞笞榜市聲雜嘲輶二生
對曲肱圭玉發石蘊小大窮鵬鷃短長見椿槿
欲聞寂時聲黃鍾在龍筍

送少章從翰林蘇公餘杭

東南淮海惟揚州國士無雙秦少游欲攀天關
守九虎但有筆力回萬牛文學從橫乃如此故

應當家有季子時來誰能力作難鴻鴈行飛入
道山斑衣兒啼真自樂從師學道也不惡但使
新年勝故年即如常在郎罷前

便糴王丞送碧香酒用子瞻韻戲
贈鄭彥能

食貧好飲嘗自嘲日給上尊無骨相大農部丞
送新酒碧香竊比主家釀應憐坐客竟無檀更
遭官長頗譏謗銀杯同色試一傾排遣春寒出
幃帳浮蛆翁翁盃底滑坐想康成論泛盎重門

黃四
著關不為君但備惡客來仇餉

詠史呈徐仲車積

諸葛見益州釋未荅三顧川流恨未平武功原
上路杜微對諸葛輿致但求去傾心倚經綸坐
上漫書疏白鷗渺蒹葭霜鶻在指呼借問諸葛
公何如迎主簿

宿舊彭澤懷陶令

潛魚願深渺淵明無由逃彭澤當此時沉真一
世豪司馬寒如灰禮樂卯金刀歲晚以字行更

始號元亮淒其望諸葛抗髀猶漢相時無益州
牧指搗用諸將平生本朝心歲月閱江浪空餘
詩語工落筆九天上向來非無人此友獨可尚
屬子剛制酒無用酌杯盞欲招千載魂斯文或
宜當

卧陶軒為晁無咎作

陶公白頭卧宇宙一北窻但聞窻風雨平陸漫
成江卯金扛九鼎把菊醉胡牀城南晁正字國
器無等雙日月麗宸極大明朝萬邦假版未通

班曉嚴夢逢逢萬卷曲肱裏曾中湛秋霜亦有
好事人叩門提酒缸欲眠不遣客真處更難忘

次韻吳宣義三徑懷友

佳眠未知曉屋角聞晴哢萬事頗忘懷猶牽故
人夢采蘭秋蓬深汲井短綆凍起看冥飛鴻乃
見天宇空甚念故人寒誰省杼與綜在者天一
方日月老賓送往者不可言古栢守翁仲

送劉季展從軍鴈門二首

劉郎才力耐百戰蒼鷹下鞞秋未晚千里荷戈

防犬羊十年讀書厭藜藿試尋北產汗血駒莫
殺南飛寄書鴈人生有祿親白頭可令一日無
甘饌

石硤谷中玉子瘦金剛窟前藥草肥仙家耕耘
成白壁道人煮掘起風痲絳囊璀璨思盈斗竹
畚香甘要百圍到官莫道無來使日日北風鴻
鴈歸

題宛陵張待舉曲肱亭

仲蔚蓬蒿宅宣城詩句中人賢忘巷陋境勝失

途窮寒菹書萬卷零亂剛直曾偃蹇勲業外嘯
歌山水重晨鷄催不起擁被聽松風

送張天覺得登字

張侯起巴渝翼若垂天鵬歷詆漢諸公霜風拂
觚稜去國行萬里淡如雲水僧歸來頭益白小
試不盡能湖海尚豪氣有人議陳登持節上三
晉邦刑寄哀矜公家有閑日禪窟問香燈因來
叙行李斬寄老崖藤

戲和荅禽語

南村北村雨一犁
新婦餉姑翁
哺兒田中啼鳥
自四時催人脫袴著
新衣著新替舊亦不惡去
年租重無袴著

和邢惇夫秋懷十首 居實

殘暑已傲裝
好風方來歸
未能踈團扇
頗復製秋衣
高蟬遽如許
長吟送落暉
相教促女功
莎蟲能表微

曩時高唐客
暮雨朝行雲
陰居懷天匹
楚觀夢紛紜
我欲覩光儀
齊明炷爐薰
天高萬物肅
誰

黃四
十一
黃
為帝子魂

七均師無聲五和常主淡芸芸歸此妙一德貫
真濫夢臨秋江水魚蝦避窺瞰明月本無心誰
令作寒鑑

王度無畦畛包荒用馮河秦收鄭渠成晉得楚
材多用人當其物不但軸與邁六通而四闢玉
燭四時和

相如用全趙留侯開有漢名登泰山重功略天
下半讓頗封韓彭事成群疑泮天道常曲全小

智鷲後患

慶州名父子忠勇橫八區許身如稷契初不學
孫吳荷戈去防秋面皴鬚欲踈雖折千里衝豈
若秉事樞

謝公蘊風流詩作鮑照語絲蟲縈草紙筆力挾
風雨萬里投諫書石交化豺虎世方用賢髦先
成泉下土

今日呂虢州堂堂古遺直許國輸九死補天鍊
五色頗修諫負缺人壽無金石西風壯士一作淚多

為程顥滴

吾友陳師道抱瑟不吹竽文章似揚馬歎唾落
明珠固窮有膽氣風壑嘯於菟秋來入詩律陶
謝不枝梧

邢子臥北窓吟秋意少棕讀書用意苦歐血驚
迺翁安得和扁輩為浣學古曾肺熱今好否微
涼生井桐

次韻子瞻題無咎所得人與可竹
二首粥字戲嘲無咎人字詠竹

十字供籠餅一水試茗粥忽憶故人來壁間風
動竹舍前粲戎葵舍後荒苜蓿此郎如竹瘦十
飯九不肉

地下文夫子風流絕此人能和晚煙色幻出歲
寒身馬鬣松成拱鷲溪墨尚新應懷斲泥手去
作主林神

次韻文潛休沐不出二首

風塵車馬逐得失兩關心惟有張仲蔚門前蓬
藿深自公及歸沐畢願詩書林牆東作瘦馬萬

里氣駸駸

與世自少味閉關非有心戎葵一笑粲露井百
尺深著書洒風雨枯筆束如林蘇公歎妙墨逼
人太駸駸

和游景叔月報三捷

師雄

漢家飛將用廟謀復我匹夫匹婦讎真成折箠
禽胡月不是黃榆牧馬秋幄中已斷匈奴臂軍
前可飲月氏頭願見呼韓朝渭上諸將不用萬
戶侯

謝景叔惠冬筍雍酥水梨三物

玉人憐我長蔬食走送廚珍不自嘗
秦牛肥膩酥勝雪漢苑甘寒梨得霜
冰底斲春生筍束豹文解籜饌寒玉
見他桃李憶故園
噉獠應殘遶窻竹

再答景叔

女三為粲當獻王三珍同盤乃得嘗
甘寒下繞藜苒腸令我詩句挾風霜
小人食珍敢取足都城一飯炊白玉
賜錢千萬民猶飢雪後排簷凍

銀竹

出城送客過故人東平侯趙景珍

墓令墳

朱顏苦留不肯住白髮政爾欺得人嬋娟去作
誰家妾意氣都成一聚塵今日牛羊上丘壟當
時近前左右嗔花開鳥啼荆棘裏誰與平章作
好春

寄尉氏倉官王仲弓

嘯臺有佳人玄髮鑑筭珥登高歌一曲聽者傾

城市門無行媒迹草木倚樵悴人物方渺然誰
能委圭幣

豫章黃先生文集第四

開化圖書館
Kazhuan Library

黃

序

卷

卷四

三

六

開化圖書館

Kaohua library

豫章黃先生文集第五

黃庭堅魯直

古詩七十首

考試局與孫元忠博士竹間對窻夜
聞元忠誦書聲調悲壯戲作竹枝
歌三章和之

效王仲至少監詠姚花用其韻四首
戲荅王定國題門兩絕句

荅許覺之惠桂花椰子茶盃二首

戲荅陳季常寄黃州山中連理松枝

二首

姨母李夫人墨竹二首

王才元惠梅花三種皆妙絕戲荅三首

王稚川既得官都下有所盼未歸予

戲作林夫人欵乃歌二章與之竹

枝歌本出三巴其流在湖湘耳欵

乃乃湖南歌也

次韻子瞻子由題憩寂圖二首

劉晦叔許泚河綠石研

寺齋睡起

王立之承奉詩報梅花已落盡次韻

戲荅

自門下後省歸臥圃池寺觀盧鴻草

堂圖

頤軒詩六首

賈天錫惠寶薰乞詩予以兵衛森畫

戟燕寢凝清香十字作詩報之

失此藁偶於門下後省故紙中得之

戲詠蠟梅二首

題子瞻寺壁小山枯木

題子瞻枯木

題伯時畫指蚌虎

題伯時畫觀魚僧

題伯時畫頓塵馬

題伯時畫嚴子陵釣灘

題劉將軍鴈

戲題小雀捕飛蟲畫扇

題畫孔雀

睡鴨

小鴨

竹枝詞二首

子既作竹枝詞夜宿歌羅驛夢李白
相見於山間曰予往謫夜郎於此
聞杜鵑作竹枝詞三疊世傳之不
子細憶集中無有請三誦乃得之

行次巫山宋楸宗遣騎送折花厨醞命知

萬州下巖

次浮塘驛見張施州小詩次其韻命知

題瘦驢嶺馬鋪命知

上南陵坡命知

謫居黔南五首

考試局與孫元忠博士竹間對窓

夜聞元忠誦書聲調悲壯戲作竹

枝歌三章和之朴

南窗讀書聲吾伊北窗見月歌竹枝我家白髮
問烏鵲他家紅粧占蛛絲

屋山啼烏兒當歸玉釵冒蛛郎馬嘶去時燈火
正月半階前雪消萱草齊

勃姑夫婦喜相喚街頭雪泥即漸乾已放游絲
高百尺不應桃李尚春寒

效王仲至少監詠姚花用其韻四首

映日低風整復斜綠玉眉心黃袖遮大梁城裏
雖罕見心知不是牛家花

九疑山中萼綠華黃雲承護到羊家真詮蟲蝕
詩句斷猶託餘情開此花

仙衣褰積駕黃鵠草木無光一笑開人間風日
不可耐故待成陰葉下來

湯沐冰肌照春色海牛押簾風不開直言紅塵
無路入猶傍蜂須蝶翅來

戲荅王定國題門兩絕句

非復三五少年日把酒償春頰生紅白鷗入群
頗相委不謂驚起來賓鴻

頗知歌舞無竅鑿我心塊然如帝江花裏雄蜂
雌蛺蝶同時本自不作雙

荅許覺之惠桂花椰子茶盃二首

彥先

萬事相尋榮與衰故人別來鬢成絲欲知歲晚
在何許唯說山中有桂枝

碩果不食寒林梢割而器之如懸匏故人相見
各貧病猶可烹茶當酒肴

戲荅陳季常寄黃州山中連理松

枝二首 健

故人折松寄千里想聽萬壑風泉音誰言五嶺
蒼煙面猶作人間兒女心

老松連枝亦偶然紅紫事退獨參天金沙灘頭
鎖子骨不妨隨俗暫是嬋娟

姨母李夫人墨竹二首

深閨淨几試筆墨白頭腕中百斛力榮榮枯枯
皆本色懸之高堂風動壁

小竹扶踈大竹枯筆端真有造化鑪人間俗氣

一點無健婦果勝大丈夫

王才元惠梅花三種皆妙絕戲荅

三首 棧

城南名士遣春來三月乃見臘前梅定知鎖著
江南客故放綠梢春晚回

舍人梅塢無關鎖携酒俗人來未曾舊時愛菊
陶彭澤今作梅花樹下僧

病夫中歲屏梧杓百葉緗梅觸撥人拂殺官黃
香有思滿城桃李不能春

王稚川既待得官都下有所盼未歸

子戲作林夫人欵乃歌二章與之

竹枝歌本出三巴其流在湖湘耳

欵乃乃湖南歌也欵音櫂
乃音藹

花上盈盈人不歸棗下纂纂實已垂臘雪在時

聽馬嘶長安城中花片飛

從師學道魚千里蓋世成功黍一炊日日倚門

人不見看盡林鳥反哺兒

次韻子瞻子由題憩寂園二首

松含風雨石骨瘦法窟寂寥僧定時李侯有句
不肯吐淡墨寫出無聲詩
龍眠不似虎頭癡筆妙天機可並時蘇仙漱墨
作蒼石應解種花開此詩

劉晦叔許泚河綠石研是

久聞岷石鴨頭綠可磨桂溪龍文刀莫嫌文吏
不知武要試飽霜秋兔毫

寺齋睡起

元圃池寺睡起
二首其東字韻

小點大癡螳捕蟬有餘不足夔憐蚺退食歸來

北窻夢一江春月趁魚舡

王立之承奉詩報梅花已落盡次

韻戲荅

直方

南枝北枝春事休
榆錢可穿柳帶柔
定自沈郎作詩瘦
不應春能生許愁

自門下後省歸臥
酺池寺觀盧鴻

草堂圖

黃塵逆帽馬辟易
歸來下簾臥書空
不知繡鞍萬人立
何如盧郎駕飛鴻

頤軒詩六首 并序

高君素作頤軒請予賦詩予爲說其義曰在易
之頤觀頤自求口實其傳曰觀頤觀其所養也
自求口實觀其自養也單豹巖棲谷飲有孺子
之色而虎攻其外張毅擊跽曲拳養人間之譽
而疾攻其內養虎者不以全物與之牧羊者去
其敗羣視其後者而鞭之養鷹者飢之是謂觀
其所養庖丁不以肯綮嬰其解牛之刀痾僂丈
人不以萬物易蝸之翼匹夫之志不可奪於三

軍之帥是謂觀其自養觀其所養盡物之性也
觀其自養盡己之性也詩云如切如磋如琢如
磨求盡性而已君素樂善能賢將求學問日新
之功故作頤軒以養其正吉乃以觀頤自求口
實六字作詩以勸戒之

金石不隨波松竹知歲寒冥此甚甚境回向自

心觀

知足是靈龜無厭乃朵頤虚心萬物表寒暑自

四時

無外一精明六合同出自公能知本原佛亦不
相似

辱莫辱多欲樂莫樂無求人生強學耳萬古一
東流

樞機要發遲飲食減味厚漁人溺於波君子溺
於口

涇流不濁渭種桃無李實養心去塵緣光明生
虛室

賈天錫惠寶薰乞詩予以兵衛森

畫戟燕寢凝清香十字作詩報之
久失此藁偶於門下後省故紙中
得之

險心游萬仞躁欲生五兵隱几香一炷靈臺湛
空明

畫食鳥窺臺宴坐日過砌俗氛無因來煙霏作
輿衛

石蜜化螺甲棋檯煮水沉博山孤煙起對此作
森森

輪困香事已郁郁著書畫誰能入吾室脫汝世
俗械

賈侯懷六韜家有十二戟天資喜文事如我有
香癖

林花飛片片香歸銜泥燕閉閣和春風還尋蔚
宗傳

公虛采蘋宮行樂在小寢香光當發聞色敗不
可稔

牀帷夜氣馥衣桁晚煙凝瓦溝鳴急雪睡鴨照

華燈

雉尾映鞭聲金鑪拂太清班近聞香早歸來學
得成

衣篝麗紈綺有待乃芬芳當念真富貴自薰知
見香

戲詠蠟梅二首

金蓓鎖春寒惱人香未展雖無桃李顏風味極
不淺

體薰山麝臍色染薔薇露披拂不滿襟時有暗

香度

題子瞻寺壁小山枯木

爛腸五斗對獄吏白髮千丈濯滄浪却來獻納
雲臺表小山桂枝不相忘

題子瞻枯木

折衝儒墨陳堂堂書入顏楊鴻鴈行
曾中元自有丘壑故作老木蟠風霜

題伯時畫指蚌虎

猛虎肉醉初醒時指磨苛蚌風助威枯楠未覺

草先低木末應有行人知

題伯時畫觀魚僧

橫波一網腥城市日莫江空煙水寒當時萬事
心已死猶恐魚作故時看

題伯時畫頓塵馬

竹頭捨地風不舉文書堆按睡自語忽看高馬
頓風塵亦思歸家洗袍袴

題伯時畫嚴子陵釣灘

平生久要劉文叔不肯為渠作三公能令漢家

重九鼎桐江波上一絲風

題劉將軍鴈

滕王蛺蝶雙穿花東丹胡馬歎胡沙祁連將軍
一筆鴈生不並世俱名家

戲題小雀補飛蟲畫扇

小蟲心在一啄間得失與世同輕重丹青妙處
不可傳輪扁斲輪如此用

題畫孔雀

桃柳暗天蕉葉長終露文章嬰世網故山桂子

落秋風無因雄雌碧雲上

睡鴨

山鷄照影空自愛孤鸞對鏡不作雙天下真成
長會合兩鳧相倚睡秋江

小鴨

小鴨看從筆下生幻法生機全得妙自知力小
畏滄波睡起晴沙依晚照

竹枝詞二首

撐崖拄谷蝮蛇愁入箐攀天猿掉頭鬼門關外

莫言遠五十三驛是皇州

浮雲一百八盤紫落日四十九度明鬼門關外
莫言遠四海一家皆弟兄

古樂府有巴東三峽巫峽長猿鳴三聲淚
霑裳但以抑怨之音和為數疊惜其聲今
不傳予自荊州上峽入黔中備嘗山川險
阻因作二疊傳與巴娘令以竹枝歌之前
一疊可和云鬼門關外莫言遠五十三驛
是皇州後一疊可和云鬼門關外莫言遠

四海一家皆弟兄或各用四句入陽關小
秦王亦可歌也

予既作竹枝詞夜宿歌羅驛夢李白相見於山間曰予往謫夜郎於此聞杜鵑作竹枝詞三疊世傳之不予細憶集中無有請三誦乃得之

一聲望帝花片飛萬里明妃雪打圍馬上胡兒
那解聽琵琶應道不如歸

竹竿坡面蛇倒退摩圍山要胡孫愁杜鵑無血

可續淚何日金鷄赦九州

命輕人鮪甕頭船日瘦鬼門關外天北人情盡淚
南人笑青壁無梯聞杜鵑

行次巫山求林宗遣騎送折花廚醞
攻許愁城終不開青州從事斬關來喚得巫山
強項令插花傾酒對陽臺 知命

萬州下巖

空巖靜發鍾磬響古木倒掛藤蘿昏莫道蒼崖
鎖靈骨時應持鉢到諸村

次浮塘驛見張施州小詩 知命

歎息施州成老醜當年玉雪瑩相照舊時去天
一尺五今日萬里聽猿叫

題瘦驢嶺馬鋪 知命

老馬飢嘶驢瘦嶺病人生入鬼門關病人甘作
五溪臥老馬猶思十二閑

上南陵坡 知命

風餐水宿六千里蛇退猿愁百八盤上得坡來
揔歡喜摩圍依約見峯巒

謫居黔南五首

摘樂天句

相望六千里天地隔江山十書九不到何用一

開顏

霜降水反壑風落木歸山冉冉歲華晚昆蟲皆

閉關

冷淡病心情暄和好時節故園音信斷遠郡親

賓絕

山郭燈火稀峽天星漢少年光東流水生計南

枝鳥

冥性齋遠近委順隨南北歸去誠可憐天涯住
亦得

豫章黃先生文集第五

開化圖書
Kathua Library

開化圖書館

Kaichua library

開化圖書館

Kaichua library




開化圖書館

kaishwa library

開化圖書館

Kaikhua Library





豫章黃先生文集

一

開化圖書館
Kaihua Library





TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color